

هيئة الفنون والآداب
والعلوم الاجتماعية بالإسكندرية

الرسائل

شعر
نجوى السبد

١٩٩٧

تقديم

يسعنى أن أقدم اليوم هذه الطبعة الجديدة من ديوان "الرسائل" للشاعرة المبدعة نجوى السيد ، بعد أن نفذت طبعته التى سبق أن صدرت عن الهيئة العامة لقصور الثقافة فرع الإسكندرية سنة ١٩٩٦ ، والحق أن الكلام يطول عن هذا الديوان الصغير الفريد فى بابيه ، وقد سعدت أن قدمت عنه أمسية كانت حافلة بالحياة والعذوبة والمشاركة الفعالة ، ولعلنا نلتقى مع هذه الطبعة الجديدة من خلال ندوات وندوات مقبلة بإذن الله .

أ . د محمد زكريا عنانى

رئيس مجلس إدارة

هيئة الفنون والآداب والعلوم الاجتماعية

كلمة الهيئة

فى أوائل السبعينيات تفتحت فى حديقة الإسكندرية زهرة شاعرة اسمها نجوى السيد ، وكانت بيننا كفاكهة الصيف فى عز الشتاء ، فقد خلا الشعر السكندري من الآتسات والسيدات اللاتى لا يكتمل مجتمع أولفن إلا بهنّ ، ولذا كان ترحيبنا بها كله شوق وانتظار ، خاصة أن صوت الشاعرة فلورا عبد الملك خفت بالخلود ، كما خفت صوت الشاعرة عزيزة كاتو بالسفر ، وخطرت نجوى السيد ترداد طريق شعر العامية المصرية ، فإذا بها تتقدم بثبات وأستاذية ، وتعبر عن مشاعر الإنسان المصرى بقوة وجمال . وحديقة الإسكندرية الأدبية الآن حافلة بزهرات عاطرات ، لكن يبقى لنجوى السيد سبق الريادة والإصرار ، والاستمرار الذى يدفعها إلى التمسك بالشعر والإرادة .

صبرى أبو علم

أمين عام هيئة الفنون والآداب

مقدمة الطبعة الاولى

يعتبر الكتاب المطبوع اهم تاريخ للحركة الادبية فى عصر ما , لذلك أخذ إقليم غرب ووسط الدلتا الثقافى على عاتقه تقديم المواهب المتميزة فى الاقليم من خلال ما يصدره من مطبوعات فى شكل مجلات او مجموعات قصصية او دواوين شعرية .

ويسعدنا اليوم تقديم ديوان (الرسائل) للشاعرة الاسكندرية المتميزة نجوى السيد التى استطاعت إثبات وجودها فى الاوساط الادبية بمصر . فكان ديوانها (شهرزاد) اول ديوان مطبوع وزارة الثقافة لشاعرة تكتب بالعامية ثم كان البحث الذى نشر باللغة الانجليزية عن اشعارها فى مجلة الاداب التى تصدرها جامعة شيكاغو بالولايات المتحدة الامريكية تأكيد لموهبتها . ثم كانت دواوينها مزيداً من التأكيد لما تتميز به هذه الشاعرة من عطاء . واخيراً كانت شهادات الاديب العالمى نجيب محفوظ . وكذلك الشعراء عبد الرحمن الابنودى ومحسن الخياط وحجاج الباي واحمد سويلم ومن النقاد شهد لها د. فوزى عيسى ود. زكريا عنانى . د. يسرى العزب . د. جمال التلاوى . فريد النقاش . د. مصطفى عبد الشافى وغيرهم .

وإن صدور ديوان (الرسائل) للشاعرة **نجوى السيد** عن فرع ثقافة الاسكندرية دليل على رعاية الاقليم للمواهب الادبية المتميزة بتوجيه من الاستاذ / **حسين مهران** رئيس الهيئة العامة لقصور الثقافة , تحت رعاية الاستاذ / **فاروق حسنى** وزير الثقافة

والله ولى التوفيق


لبلى محمدى

إهداء

إلى الأبناء الاحباء محمد ومحمود وشروق أهدى ديوانى
الرابع (الرسائل) فقد كانوا نبض كل حرف من حروف
هذا الديوان وروح كل صورة ومعنى داخل كل
قصيدة من القصائد ، كما أهدى إلى كل طفل فى
مصر وفى العا . كله يحتاج إلى السلام والأمان لكى
يعيش طفولة النى يدفعها حنان الابوين معاً واشكر
زوجى الحبيب الذى أهدانى أطفالى الثلاثة لكى
يساعدونى على التعبير الصادق كلما تحدثت على
لسان الطفل بل إنهم يلهبون مشاعرى دائماً ولهم
الفضل الكبير فى خروج كل كتابانى الخاصة بالأطفال
لهم جميعاً حبى وشكرى ولمصر الدعاء بالنصر والحرية

الرسالة

رقم (١)



حبيبي بابا يا غالي
تحياتي وأشواقي
دي أول مرة أكتبلك وما اتكلمش بلساني
ورغم انك بعيد عني
لكن يا بابا قدامي
باشوفك وانت بتقوللي
« أنا رايع ...
لكن راجع » ...
ولا بس جندي ويتضحك
ويتبوسني
وأختي كمان
وقلت لنفسني ساعتها
ياريت ترجع بسرعة .. وتاني نتكلم
سوا نلعب ف كل مكان

أنا يا بابا - زي ما قلت لي - راجل
وأعرف يعني إيه أصبر
لحد ما تيجي .. ونشوفك
ونتطمئن ...
وتطمئن ...

* * *

أنا يا بابا مش عايزك تكون قلقان
ولا زعلان
عشان تقدر تشوف شغلك
وأحلف لك
بأنني حاطع الأول
عشان تفضل تقول إبنني ما فيش زُيه
لكن أرجوك ماتزعلشي ...
إذا كان الورق مبلول

(لأن دموعي هريت قبل ما الحقها
ومن عطش الحروف يا بابا شربتها
وكل ما أقطع الورقة واجيب غيرها
بيهرب دمعي يسقيها

أخيراً قلت خَليها
وخلّتها)

لأول مرة يا بابا
باشوف الكلمة عطشانة
لأول مرة يا بابا
بنادي .. وانت ما تردش
لكن أرجوك .. تظمني .. وتكتب لي
بتعمل إيه ؟
وعامل إيه ؟
* * *

مشيت يا بابا قبل الفجر ما يشقشق
وقبل ما تمشي صحيتني
وضمّنتني
ولسه إيدك محاوطاني
وصوتك كُله ف وداني
(كأنك مش بعيد عني)
ما فيش غير القلم هو اللي خلّاني
أحس أنك بعيد عني
لأنني لما باجي أنادي بترجّاه يتاديلي
يقولك ع الورق : بابا
ورغم دا كله يا بابا
أنا راجل

وأدّاني أصبر نفسي وأتحمل

لكن أختي ما تقدّرشي

(ما هو بيني وبينها كثير

أنا بدلت كام سنة

لكن هي

سنانها لسه بتنبّت)

بترمي اللعبة ... وتعيط

وتجري لحدّ باب الشقة وتخطّ

ولا راضية تنام أبداً .. ولا تاكل .. ولا تسكت

عشانها يا بابا تلقاني كده زعلان

ولما بكره حاكبتك

حاقولك هي عملت إيه ؟؟

وعامله إيــــــــــــه ؟؟

ودلوقتي


إليك أجمل سلاماتي ...

ومعلّهي ...

إذا كان الورق مبلول .

إبنك المخلص

محمد



الرسالة

رقم (٢)

يا أغلى بابا في الدنيا

صباح الخير

واحشنى كتير

وعدتك إنى حاكتبلك جواب تاني

وياكتبلك

وزى ما قتللك حاحكي على أختي

واقولك هى عملت إيه ...

وعامله إيه ؟؟

من اللحظة اللي فوتك فيها ع الورقة

لغاية ما اتقابلنا ع الورق تاني

* * *

حيت «أختي» ودمعاتها على خدودها

ويحس ساكنة طول الوقت في صوتها

وفجأة : اثنَدت .. وقفتُ

ومدتُ كفها .. وتعبتُ ..

لحد ما طالت الصورة

بتاعتك ..

ع «الكمودينو»

وباستها .. وضمتها

وقعدتُ فجأة .. رافعة الصورة فوق رأسها

وخايقة يا بابا تهيدنها

ونزلتُ إيدها حبه بحبه بالصورة

وباستها

ومالت رأسها علي قورتك

وكانت كل دمعاتها بتتجمع .. على خدك

لحد عنيتها ما نعتت

ولا حسّت بما ما وهي بتشيلها ... ويتنيمها ف سريرها

يدوب نامت .. وماما بسرعة نادتلي

وقالتلي

تعالى يا حبيبي ننام

ولسه حاروح على أوضتي
قالت لي ماما حاتسييني أناام وحدي ؟؟؟
(وكان في صوتها كام رعشه
ساعتها قلت فين بابا يطمئنها)

وفجأة : رن جرس الباب
بسرعة ماما حضنتني .. وقالت لي :
ما تفتححشي
وقالت : مين ؟؟ .. (ثلاث مرات)

وكان جدي ونينا معاه

فَرَحْتُ ...

فَتَحْتُ ..

خدني جدي في حضنه

وماما : نينا ضمتها وبستها

وجريت في عيون ماما دموع يا بابا

ساعتها :

أخذني جدو على أوضتي

وهو شايطني فوق صدره

سألته كثير
حكالي كثير
وقال لي بابا واللي معاه من الأبطال
عشان الأرض تتحرر :
لا بد يحرروها رجال
وما اعرفشي أنا إمتة غلبني النوم
ما حسستشي .. لكن فاكر
بإني حلمت بيبك أنت
(.. وفوق فرسك ..)
وحواليك الجنود ملايين
ويتطالب بأرض جدودنا وحقوقنا
وصوتك ويا صوت جندك
يشق الصف لعدوك ،
تعدوا .. بعد باسم الله ...)
صحيت .. وحكيت لجدي ونينا على حلمي
قالو لي خير
وماما قالت لي نصر كبير

وانت يا بابا .. إيه رأيك ؟؟

* * *

دا بعد ما دبلت البسمة

ف وشّ اختي يا بابا

لقيتها طارحة ف عنيتها

فرحت كتير

وقلت الحلم والله خير

مادامت أختي راح تضحك

(وكانت ماما ساعتها

بتمسح دمه في الصورة ...

على خدك)


وغصين عني راح أسكت

ونتقابل على الأوراق ...

ف كل رساله يا بابا

إبنك المخلص

محمد



الرسالة

رقم (٣)

حبيبي بابا يا واحشني

عايزني ازعل بقى منك ؟؟

أكيد حازعل

لأنني كل يوم باكتب

لأنني كل يوم بأسأل

وانت ليه ماتبعتشى ... ما تسألشي ؟

أكيد إنت كمان زعلان

(تكونش يا بابا لما قرئت جواباتي

لقيتني في الكلام غلطان ؟؟

وحتى لو أكون غلطان ...

طب ابعث لي .. ونبهني

عشان من غلطتي اتعلم

ومرة ثانية ما اعملهاش)

تكونشي يا بابا جواباتي ما وصلتشي

مالحقتشي ؟؟


لكن إفرض ..
ح تستنى جواباتي عشان تكتب ؟؟
دا مش معقول
أكيد يا بابا وقتك كله كان مشغول
ومين عارف
أهو يمكن وأنا باكتب
يجيني - بعد حبة - جواب يطمني
يفرخني .. يفرح ماما ويطمنها ويأيا
دانا قايل لأختي
لو انت بعثلي حاجري
واجيب م اللي ف حصّالتي ...
عروسة صغيرة هدية
ولما سألتها : موافقة ؟؟
قالت لي : أم
ما هي لسه ما تعرفشي تقول الآه
ويافرح لما بأسألها .. وتفهمني
طب ابعث لي .. عشان أختي
عشان تفرح وتلعب ..
بالعروسة اللي حاجبيها لها
عشان ماما - يا بابا - طيب ابعث لي
عشان تفرح وتطمّن

ولا تجمّدها دمعاتها
عشان خاطري يا بابا ياللا إِبْعَتْ لي
دا انا قلقان
ولما اعطش .. وباجري ناحية المية
باقول يا هلتري إنت بتشرب زِيّ لو تعطش ؟؟
وخايف أرتوي .. أحسن تكون عطشان
ماعدتش بابلع اللقمة وانا راضي
باخاف أحسن تجوع انت .. وانا شبعان
وانام ازاي
وإنتَ ع السلاح سهران ؟؟
وماما زِيّ أو أكثر
لكن بتخبّي وتبصر
عشاني وأختي ما نقلقش يا بابا
لكنّي باقرا إحساسها وهي عنيتها في عيني
بسرعة تلمع الدمعات ...
وقبل ما تجري : تلحقها
وتشربها .. وتبسم
وحتى البسمة يا بابا بتتألم وهي فوق شفايفها
دي ماما .. إنت عارفها
بتتحمل .. ويتعافر
وأرجو انك تكون فاكر

كلامي
في الجوابين اللي سَبَقْمْ ده
وتكتب لي يا بابا بقى
ولما جواب حيوصلني بظمّنى ...
ساعتها مش حاكون زعلان
لكن قوللي :
أقوم اشرب وانا مرتاح ؟؟
يا خوفي لو تكون عطشان
وكفك دي اللي عرقانه ...
ماهى طايلة حَفَّان مَيَّه .

إبنك المخلص

محمد



الرسالة

رقم (٤)

كده يا بابا تنساني

دا انا محمد !!

نسيت انك في نفس اليوم ده

نادتني بإسمي بعد ما اختارته وسجلته

ف قلب شهادة كات أول شهاداتي

وكل ما يبجي نفس اليوم ده ..

بتنور لي كام شمعة

ويتغنيلي وسط الكل في حلقة

ودايماً ناكل التورتة

ونظفي الشمع قبل دموعه ما تكثر ...

وقلا وش تورتننا

وكننت أسأل - كثير - نفسي ..

بيبيكي الشمع دايماً ليه ؟؟

وكننت أقول من الفرحة

لإني كل مرة المحج ...

تَفَرَّ الدَّمْعَة مِنْ عَيْنِكَ وَعَيْنِ مَامَا
خُصُوصاً وَأَنْتِ بَتْبُوسْنِي ... وَتَقُولُ لِي :
صَحِيحَ ابْنِي .
وَكَانَتْ نِينَا بَتَزْغَرْد .. وَمَامَا تَقُولُ لَهَا : الْأَوَّلُ
وَجِدِّي يَقُولُ : مَا شَاءَ اللَّهُ
دَا حَلَمُ سَنِينَ .. وَأَنَا طَوَّلُ عَمْرِي بِاسْتِنَاهُ
وَدَلُوقْتِي أَنَا بِاسْتِنْتِي يَوْمَ عِيدِي
مَا عَادَشَ يَا بَابَا هُوَ نَفْسُهُ مِيلَادِي
حَيَّجِي الْعِيدَ إِذَا جِئْنَا ...
وَتَانِي رَجَعْتَ وَسَطِينَا .
* * *

قَالَتْ لِي مَامَا - لَمَّا صَحَيْتُ - صَبَاحَ الْخَيْرِ
وَعَقِبَالِ مَيْتِ سَنَةٍ وَأَكْثَرَ
لَكِنِّي كُنْتُ مَتَغَيَّرَ
وَقُلْتُ لَمَامَا مَتَشَكَّرَ
وَلَمَّا قَالَتْ لِي رَاحَ تَعْمَلُ عَشَانِي ...
تَوْرَتَ بِإَدِيهَا
رَفَضْتُ ...
وَقُلْتُ : خَلِّيْهَا لِيَوْمَ مَا يَعُودُ لَنَا بَابَا
وَحَاوَلْتُ مَامَا وَيَايَا
لَكِنِ أَحْزَانِي كَانَتْ صَاحِيَةً جَوَايَا

(وفرحي نام بقاله كتير)

وصدقني أنا حاسس

كأنه نام بقاله سنين)

وتورته إيه؟؟!

وكفك إللي بتنور لي شمعاتها

ماهش جنبي

وصوتك إللي باستناه يقول مبروك ...

ماعادش يجيني غير في الحلم كام ثانية

ومهما احكي

عن اللي ف قلبي يا بابا

ما فيش غيرك ح يفهمني

لأنك بابا ولأني

ما ليش غير باباواحد بس

لأنك وانت يا بابا بعيد عني

بتقدر باللي جوايا ...

يا بابا تحس

وصدقني

مانيش زعلان على التورته ولا الشمعات

أنا زعلان

عشان في اليوم ده يا بابا

أكيد نفسك تبوس خدي ... ومش طايله

تقول لي عيد ميلاد مبروك
وقبل ما تفتح اللقمة
تقول : (حَزْرُ جايب لك إيه ؟؟)
وأفضل أقول ... وأتحير
وتفتحها ... أقول : الله

عرفت ازاي

بإني كنت عايزها ؟؟

* * *

يا بابا

إللي خلقوا الحرب ظلمونا

وكمان ظلموك

صحيح الحق لازم ياخذُه يوم صاحبه ...

لكن بالحرب لازم ليه ؟؟

بقى يعني الشعوب عمّالُه تتقدم ...

عشان تقتل ف بعضيها ؟؟

وليه والحب مالي قلوبنا نلقى ناس تعاديننا ؟؟

وليه بالحرب نتفاهم ونتكلم

وليه بالحب نبقي ضعاف ؟؟

وليه الناس ضروري تخاف ...

عشان ما تاكلش حق الناس ؟؟

وليه قلبي ف عز الفرحَة يتألم

وليه ما أقدرش أشوفك ... ليه ؟؟

دا أنا إنسان ...

وحقي ... إني أعيش ف أمان .

* * *

سألت ف يوم عماد صاحبي

لكن يا بابا ما فهمنيش

وقال لي اللي يخاف يبقى ماهش راجل

وأنا راجل ...

ماهش علشان نكون شجعان يموت ملايين

ويبقى مين عشان تَعْمَرَ أرضينا ؟؟

أنا بشجاعتي أقدر أنصر المظلوم

وأقدر وسط كل الناس أقول الحق


وأعرف إمتة أنطق لأ .

وإمتة يا بابا حنرتي الحمام

لكن ما ندبجهوش ؟؟

إبنك المخلص

محمد



الرسالة

رقم (٥)

يا يوم نادي

تعيشي يا مصر يا بلادي

وصلني جوابك الأوّل

وكل ما اخلّصه .. أقرأه من الأوّل

لكن يا بابا وانا ماسكّه

لقيته بيرتعش وكأنه بيرفرف

خصوصاً وانت بتقول لي :

« واحشني يا ابني يا جيبني »

كمان انت يا بابا والله ... واحشني

كده واكثر

دانا ما فاتش يوم إلا وانا باسأل

نساني بابا واللإ إيه ؟؟

لكن من بعد ما جاني ...

يا بابا جوابك الغالي ...

نسيت كل اللي زعلني

وقرّحي بالجواب شالني ... وخلّاني أطيّر عندك

واشرفك كل ما اقرا كلمة من خطك

وباشكر ربي على فضله

وصلني جوابك الأوّل

وانا في حال ما تتصوّر

لكن دلوقت

أقدر تاني أحمّل .

* * *

دي ماما لما جاها جوابك الغالي

بقت شفايفها مبتسمة

وغارقة عنيتها في الدمعات

ولما طلبته يا بابا عشان اقراه ...

قالتلي : « بسرعة يا محمد » عشان عايزاه

يا بابا حاول المرة اللي راح تيجي

يكون لي جواب على إسمي ...

عشان اقراه على مهلي

ولا حدش يقول هاتته .

* * *

تصدق إن أختي الحلوة ققطوطة

لقيتها جاية تحبي يا بابا .. وتشاور على جوابك

وعايزة تاخذه من إيدي ؟؟

لكني خفت أسببها

تقطع ورقة يا بابا .. وتزعل ماما بعد الفرح مازارها

ولما لقيتها بتعافر عشان تخطف جوابك مني يا بابا

قعدت أقول لها :

بابا باعت لك بوسة باقظوطتي يا حلوة

مهو من يوم ما قُت البيت

مانيش قادر أدلعها ...

لكن دلوقت من فرحي

باناديلها ... وأقول : « ققطوطة حبيتي » .

* * *

ودلوقتني حاقولك آخر الاخبار
دا أمين خالي .. إلهي كان حيتجوز
وأجل فرحه لما تعود

(خطيبته اتعلمت قريض
وابلة بهيجة وسميه)

وهو بدمه إتبرع

وكان جدي كمان وياه

وطبعاً ما رضوش من جدي ياخدوا دم

(ودا خلاه يشيل الهم

ويجي لماما يشكي لها

وفضلت ماما بكلامها تحاول ...

إنها ترضيه

وغلبت فيه)

وهو يقول :

أنا ما اقدرش أتبرع .. ولا أحارب ؟؟

خلاص ما عادش ليّه لزوم ؟؟

قالت له ماما : « يكفني انك

بتيجي تطل على بنتك
وتاخذ إبني في حضنك وابوه غايب
كفاية بنتي بتحبك .. ويتروح لك ...
وتسكت لو تلاعبها
وانا مش قادره اسكتها « .
فَرَحْ جدي ...
وشال أختي .. وباسني ف خدي وحَضَنِي
وقال : أماً أنا غلطان !!
وزي ما قال لي ووعدني
بأنه لما حييجلي حيحكلي عن الابطال
بدأ يحكي لي وأنا أسمع
ونمت ...
ونام كمان جدي
ولما صحيت
حَكَّالِي عن جيران البيت
رجال أبطال يا إما زي بابا هناك على الجبهة
يا إما بدمهم دفعوا

(وكان جدي بيتألم)

زعلت عشانه ، قلت يا ريت ما يتكلم)

بسرعة قلت له : بابا بعث لي جواب

فرح جداً .. وقال لي فين؟؟

ولما جبتهم له قراه

وقال لي انت و (قطقوطة)

حاشيلكوا جوّه ننتي العين

ويكره بابا راح ييجي

وحشيلكوا ... وبين أحضانه حياخدكم

وَحَدَّ قطقوطة على حجره

وخدني تاني في حضنه


ساعتها قلت في نفسي :

صحيح جدي ...

مكانه مش هناك في الحرب

إبنك المخلص

محمد



الرسالة

رقم (٦)

يا بابا يا بطل مبروك
حترجع لّلي بيعبوك
وجنب الراديو من بدري
- أنا وماما ونينا وجدي ،
وكل الناس معلية رداويها
وقالت إنكو حقتوا أمانيتها .. وعديتوا
ولما هلّلت قطقوطة : علّيته
وهلّل جدي م الفرحة ... وقال مبروك
وإمته يا بابا راح ترجع
عشاننا واللي بيعبوك ؟؟
أنا فرحان
لكن خايف ...
لاني عرفت إن النصر ...

لازم يندفع له رجال
وانت يا بابا واحشني
واقول ازاي أنا حاقدر أقضى العمر ما اشوفك ؟
ولا يمكن أنا اتصور
بانك بكرة مش راجع
وكل ما باسمع الراديو باخاف أكثر
ومش باقدر أقول خايف
* * *

ودلوقتي ... وانا فوق الورق باكتب
باقول خايف يا بابا عليك
وأنا عارف بان الجنة للشهداء
لكن حتفوتنا وحدينا
لا ح ننادي نقول : بابا
ولا أعبادنا حتجيننا
دموعنا تجري ...
تفضل تجري طول العمر
ويفضل طعم بُكرَه - مهما يحلى - مرَّ
أنا خايف ...

وباتمني يكون كل اللي خايف منه وهم كبير
ولما حتيجي حتصحى ف قلبي فرحة ماتنامشى
وإمته الناس ما تتحارب؟؟
وإمته بس تتفاهم؟؟
عشان الحزن ما يلقي ف قلوبنا مكان
عشان من حقي يا بابا وأنا إنسان ... أعيش ف أمان
عشان الخير يزيد أكثر
لا حد يجوع ولا يعطش
ولا يفضل بدون هدومه
يا بابا مين يطمئنى
يقول لي انك ضروري جاي ؟
ما عدتش عايز الجوابات
أنا عايزك .
* * *

أنا فاهم .. لكن ققطوطة مش فاهمة
لو انت يا بابا مارجعتش ...
مين اللي يرجع البسمة لشفافها؟؟
مين اللي يطبطب الليله على كتفي؟؟

مين اللي ماما تفتح له ...

وتاخذ فرحها منه ... وتدينا

ويبعد عنها خوفها ؟؟؟

مين اللي حَقُولُه يا بابا ؟؟

مافيش غيرك .

لا بد تجيني ... تاخذني في أحضانك

دانا يا بابا محتاجك

لكن في الحرب ماعملوش

حساب قطقوطة ومحمد !!

لكن في الحرب ماعرفوش

بأن اللي قَتَلَ واحد ...

قَتَلَ وياه قلوب يَامَا

* * *

ومين يقدر يقول للحرب ما تقومش

ويرفع كُفُّه بالحمامات ؟؟


كفاية يا حرب إल्ली مات

وخلّى بابا وسطينا

(مافيش بيننا وبينك تار

وإنتى ليه تعاديننا ؟)
بقيت بأكّره حروف الحرب
ونفسي اقرا حروف أجمل
ماعدتش بارسم الصورة بلون أحمر
لإن اللون ده لون الدم
(وكنت زمان
أقول أن الزهور حمراً
وتعجبني ... وأرسمها
ودلوقتي بقى لونها بيتعبني
ما عدت اجمعها وأشيلها ...
برينة ... زى قبل الحرب)
ومين اللي عشان قطقوطة ومحمد
حيرفع كُفّه بالحمامات ...
ويتفاهم ؟؟

إبنك المخلص
محمد



رسالة من

شهيد

ومن مكان الشهيد

بأخطئك يا مصر...

رسالة يوم العيد .

* * *

الأرض وحلفنا ندفع وناخذها

ونردّها ليكي

وأديها في حضنك

وانا أذّ ما بحبك

بأحبّ أقولك ع اللي جوايا :

يا هلترى عينك على ولدي

قلبك على ولدي

واللا انتي مشغولة ؟؟

أنا كنت وسطهم

أفرق اللهفة

واجمع الفرحة

يمكن ساعتها الكف

كانت ماهش طايلة

لكنهم : كانوا يباتوا شبعانين

عز الشتا .. وانا وسطهم متدفين

واما النهار يطلع :

يبقى حاغيب وارجع

واما طلع علك .. رفر على أرضك

أنا غبت حتى الآن !

فايت حقان النبض في حجرِك

ما تنفضيه .

إملئ كفوفك من تراب الأرض .. وإديهم

إللي عشانها فوتهم ورحلت .

ما تدوريش العينين

لما عيني تسالك :

في العيد ولادي غنوا م الفرحة ...

واللا عنيهم في القرح ...

بكيت !!!

قالوا عن الشاعرة

ترجمتُ في الفترة الأخيرة قصائد الشاعرة نجوى السيد ، لأنى وجدت أن أشعارها شائقة ومثيرة جداً ، من ناحية أنها تحاول إيقاظ المرأة الشرقية لوضعها ومسئوليتها كشريكة في تغيير مجتمعتها ، وأشعارها مهمة لأنها تعتبر عن هذه الأشياء فى إطار الأخلاق الشرقية المحبوبة لدى الشرقيين .

د . كلاريسا بوت

(جريدة الأيام - يناير ١٩٨٩)

قصائد الشاعرة نجوى السيد تضمنت تجارب ثرية ، تتمتع بملامح درامية ، ونسيج خاص ، وقاموس لغوى متفرد يشير إلى صوت الشاعرة المتميزة .

محسن الخياط

(مقدمة ديوان شعور زاد - ١٩٨٨)

تتميز أشعار نجوى السيد بالأنكار الجديدة ، والصور الفنية الخاصة بها ، والتابعة من تجربتها الذاتية ، وهى الصوت الواعد فى شاعرات العامية بمصر الآن .

حجاج الباي

(إذاعة الإسكندرية - سبتمبر ١٩٨٥)

تمثل قصائد نجوى السيد علامات هامة فى طريق شعر المرأة المصرية باللغة المصرية ، حيث تحتشد فى نسيج قصائدها مشاعر الأمومة (التضحية والفداء والدفء الجميل) والرغبة الدائمة فى النهوض واليقظة من أجل تحقيق واقع اجتماعى يسوده الأمان والحب ، وينتفى منه الخوف والأغتراب .

د . يسرى العزب

(إذاعة البرنامج العام - يناير ١٩٩٢)

نجد فى عمل نجوى السيد تلك المباشرة الصادقة ، والصور المحرّضة (الليل .. سكاتكو مطوّله) وهى تدعونا إلى الاحتجاج على السكات ، وشق الطريق ، أو

يلجأ إليها كثير من الشعراء ، وإنما تبتكر صورها الجديدة الخاصة بها ، وهي تعتمد على رسم صورة كلية ممتدة لا تنتهى بانتهاى السطر الشعري وإنما تنتهى بانتهاى الفكرة ، لهذا تصبح الصورة الشعرية لديها هي الفكرة ، وتصبح محاولة حذف أية كلمة من السياق الشعري تخل به ، وهذا يؤدي بدوره إلى إحكام استخدامها للغة الشعر .

د. جمال نجيب التلاوي

(جريدة الجمهورية - نوفمبر ١٩٩٦)

أول ما يمكن ملاحظته على قصائد نجوى السيد أنها قد تجاوزت أسر الذات الفردية لتعبر عما يسمى بالذات الجماعية . . . إن انتماء هذه الشاعرة إلى ما هو عام أعطى لشعرها درجة عالية من الثراء ، لأنه الانتماء الذي تزدهر به حقيقة الشعر .

محمد السيد إسماعيل

(مجلة القاهرة - أكتوبر ١٩٩٤)

تعتبر نجوى السيد رائدة بالنسبة لشاعرات العامية في الإسكندرية ، فقبل ظهورها لم يكن بالإسكندرية غير شاعرات الفصحى ، وديوانها (شهرزاد) الذي أصدرته الهيئة المصرية العامة للكتاب هو أول ديوان تصدره الدولة لشاعرة عامية . بدأت نشاطها الأدبي من خلال إذاعة الإسكندرية ونادى الأديب بقصر ثقافة الحرية سنة ١٩٧٢ .

محمد السيد عباس

(جريدة الحياة - يناير ١٩٩٥)

الشاعرة الإسكندرية نجوى السيد غزيرة الإنتاج ، ويتسم شعرها بالبعد الإنساني الذي يحمل كثيراً من الشفافية والشجن كما يحسب لها أن شاعريتها سهلة وسلسة ، وربما يعود ذلك إلى شخصيتها البعيدة تماماً عن القموض والتعقيد ، الذي أصبح موضة كثير من الأصوات الشعرية هذه الأيام .

محمد الشافعي

(مجلة الكواكب - مارس ١٩٩٧)

تقدّم لنا ياسين من وجهة نظر بهية . . أو وهي تعيد صياغة التشيد العربي الذي سمعناه في سنوات الانتماء (وطني حبيبي الوطن الأكبر) ليصبح علامة على الانكسار والخيبة (يوم ورا يوم أحزانه بتكبر) ، أو وهي تنقد عملية تسليع الإنسان وتحويله إلى شئ ، حيث تؤدي الرأسمالية وعبادة المال إلى غربته .

فريدة النقاش

(مجلة أدب ونقد - نوفمبر ١٩٩٣)

لا شك أن نجوى السيد تعبّر عن مشاعر جيدة جداً ، ووجدان ، وأشعارها فيها كلمة منتقاة وتعبير عذب وصورة حلوة ، ولكن يبقى ما قالته زجلاً ، والزجل جنس من أجناس الألب ، ولا شك أنه إبداع .

د . محمد مصطفى إدانة

(إذاعة صوت العرب - يونيو ١٩٨٤)

نجوى السيد تستخدم التراث العربي ، وتصيغه بفكرة جديدة ، وتضع يدها على الرمز الأسطوري ، لكي تقول من خلاله شيئاً معاصراً للمتلقى ، وهو أصعب وأكثر تحقيقاً لقيمة فنية ، وهو استخدام جديد في الشعر العامي ، لأننا نادراً ما نجد فيه استخدام التراث ، بينما نجده كثيراً في الشعر الفصيح .

أحمد سويلم

(إذاعة الشرق الأوسط - سبتمبر ١٩٨٧)

الشاعرة نجوى السيد أحد رموز الشعر بالإسكندرية . . . استطاعت أن تمزج قضايا العصر بالتراث الشعبي من خلال كمبيوتر المشاعر الإنسانية بدقة وبراعة ، وقامت العديد من الصور المركبة من خلال الفلاش باك وإسقاطات المستقبل .

محمد مكيوي

(مقدمة ديوان عرايس الشعر - ١٩٩٣)

نجوى السيد لم تقف عند حدود توظيف التراث ، وإنما اعتمدت أيضاً على تشكيل الصورة الشعرية ، وما يميزها أنها لم تعتمد إلى الصور المكرورة المعادة التي

فهرس

٢	تقديم - كلمة الهيئة
٣	مقدمة الطبعة الاولى
٤	الإهداء
٥	رسائل محمد الرسالة رقم ١
٩	الرسالة رقم ٢
١٤	الرسالة رقم ٣
١٨	الرسالة رقم ٤
٢٣	الرسالة رقم ٥
٢٩	الرسالة رقم ٦
٣٤	رسالة من شهيد
٣٧	قالوا عن الشاعرة

صدر للشاعرة

- ١- ديوان : شهر زاد - الهيئة المصرية العامة للكتاب ١٩٨٨
- ٢- ديوان : عرايس الشعر (مشارك) - مديرية الثقافة بالاسكندرية ١٩٩٣
- ٣- قصة للأطفال : الغابة النظيفة - دار المعارف ١٩٩٤
- ٤- ديوان : ضفاير الشمس - الهيئة العامة لقصور الثقافة ١٩٩٦
- ٥- ٦- قصة للأطفال : مدرسة الغابة - الهيئة العامة لقصور الثقافة ١٩٩٦
- ٦- ديوان الرسائل - مديرية الثقافة بالاسكندرية (الطبعة الاولى) ١٩٩٦
- ٧- ديوان الرسائل - هيئةالفنون والاداب (الطبعة الثانية) ١٩٩٦